



## **Ráitis Airgeadais**

**An Ciste Cúitimh um Sheirbhísí Maoine**

**Don bhliain dar chríoch an 31 Nollaig 2022**



## CISTE CÚITIMH UM SHEIRBHÍSÍ MAOINE

### CLÁR

#### LEATHANACH

Ráiteas maidir le Freagrachtaí Chomhaltaí an Údaráis	3
Ráiteas maidir le Rialú Innheánach	4 - 7
Tuarascáil an Iniúcháir	8 - 9
Ráiteas maidir le hIoncam agus Caiteachas	10
Ráiteas maidir le Staid Airgeadais amhail an 31 Nollaig 2022	11
Ráiteas maidir le Sreabhadh Airgid don bhliain dar chríoch an 31 Nollaig 2022	12
Nótaí a ghabhann leis na Ráitis Airgeadais	13 - 15



## CISTE CÚITIMH UM SHEIRBHÍSÍ MAOINE

### RÁITEAS MAIDIR LE FREAGRACHTAÍ CHOMHALTAÍ AN ÚDARÁIS

Ceanglaítear faoi Alt 22(2) den Acht um Sheirbhísí Maoine (Rialáil), 2011 ar an Údarás d'Údarás Rialála Seirbhísí Maoine chun gach cuntas cuí agus rialta a choimeád ar airgead a fuair sé nó a chaith sé, i cibé foirm a fhaomhfaidh an tAire Dlí agus Cirt le toiliú ón Aire Caiteachais Phoiblí, Sheachadadh PFN agus Athchóirithe.

Agus na ráitis airgeadais seo á n-ullmhú, ceanglaítear ar Údarás an Údaráis Rialála Seirbhísí Maoine:

- beartais chuntasaíochta oiriúnacha a roghnú agus iad a fheidhmiú go seasta,
- breithiúnais agus meastacháin a dhéanamh atá réasúnach agus stuama;
- na ráitis airgeadais a ullmhú ar bhonn an ghnóthais leantaigh, sin mura mbíonn sé mí-oiriúnach glacadh leis go leanfaidh an comhlacht lena ghnó, agus
- a rá cibé ar ullmhaíodh na ráitis airgeadais de réir na gcaighdeán cuntasaíochta infheidhme, faoi réir ag aon imeacht ábhartha a nochtar agus a mhínítear sna ráitis airgeadais.

Tá an tÚdarás freagrach as gach cuntas cuí agus rialta a choimeád ar airgead a íoctar isteach sa Chiste Cúitimh agus eisíocaíochtaí ón gCiste Cúitimh, lena n-áirítear cuntas ioncain agus caiteachais, ráiteas maidir le sreabhadh airgid agus clár comhardaithe, de réir Sceideal 6 (7) den Acht um Sheirbhísí Maoine (Rialáil), 2011. Tá an tÚdarás freagrach freisin as a shócmhainní a chosaint agus as sin, céimeanna réasúnacha a ghlacadh chun calaois nó mírialtachtaí eile a chosc agus a bhrath.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



## CISTE CÚITIMH UM SHEIRBHÍSÍ MAOINE

### RÁITEAS MAIDIR LE RIALÚ INMHEÁNACH

#### Scóip na Freagrachta

Thar ceann an Údaráis Rialála Seirbhísí Maoine, admhaím an fhreagracht atá ar an Údarás a chinntiú go ndéanfar córas éifeachtach um rialú inmheánach a chothabháil agus a fheidhmiú san Údarás. Glactar san áireamh sa fhreagracht seo ceanglais an Chóid Cleachtais chun Comhlachtaí Stáit a Rialú (2016).

#### Cuspóir an Ráitis maidir le Rialú Inmheánach

Tá an córas um rialú inmheánach leagtha amach chun riosca go leibhéal infhulaingthe a bhainistiú seachas é a chur as an áireamh ar fad. Dá bhrí sin, ní féidir leis an gcóras ach deimhniú réasúnta seachas deimhniú cinnte a thabhairt go bhfuil sócmhainní cosanta, idirbhearta údaraithe agus taifeadta go cuí agus go seachnaítear botúin nó neamhrialtachtaí nó go dtabharfaí faoi deara iad go tráthúil.

Bhí an córas um rialú inmheánach, atá de réir na treorach a d'eisigh an Roinn Caiteachais Phoiblí, Sheachadadh PFN agus Athchóirithe, i bhfeidhm san Údarás Rialála Seirbhísí Maoine don bhliain dar chríoch an 31 Nollaig 2022 agus suas go dtí an dáta ar ceadaíodh na ráitis airgeadais.

#### Rialuithe Inmheánacha atá i bhFeidhm

Tá an tÚdarás sásta go bhfuil na córais atá i bhfeidhm aige, réasúnach agus cuí i ndáil le himthosca an Údaráis ag féachaint dá mhéid, leibhéal caiteachais, acmhainní foirne agus cineál a chuid oibríochtaí. Ach mar sin féin, ní thugann na córais agus ní féidir leis na córais, deimhniú iomlán a sholáthar in aghaidh earráidí ábharacha.

Tá an Cód Cleachtais chun Comhlachtaí Stáit a Rialú a d'eisigh an Roinn Caiteachais Phoiblí, Sheachadadh PFN agus Athchóirithe in 2016 glactha ag an Údarás Rialála Seirbhísí Maoine.

#### An Acmhainn Déileáil le Riosca

Tá Coiste Iniúcháireachta agus Riosca (ARC) ag an Údarás Rialála Seirbhísí Maoine atá comhdhéanta de bheirt chomhaltáí den Údarás agus beirt chomhaltáí sheachtracha. I mo Chathaoirleach ar an Údarás, táim sásta gur urscaoil an ARC a ról go héifeachtach le ceithre chruinniú tionóla in 2022.

Tá beartas bainistíochta riosca ina leagtar amach inghlacthacht riosca, na próisis bainistíochta riosca atá i bhfeidhm athbhreithnithe agus comhaontaithe ag an Údarás.

Is é an tAonad Iniúchta Inmheánaigh sa Roinn Dlí agus Cirt a chomhlíonann feidhm Iniúchta Inmheánaigh an Údaráis Rialála Seirbhísí Maoine faoi fhorghairseacht an Choiste Iniúchta ar Vóta 24 (Ceartas). Is é ról Aonad Iniúchta Inmheánaigh na Roinne Dlí agus Cirt dearbhú neamhspleách a thabhairt don Oifigeach Cuntasaíochta ar éifeachtacht na rialuithe inmheánacha atá i bhfeidhm ar fud an Vóta.

Déanann Aonad Iniúchta Inmheánaigh na Roinne Dlí agus Cirt iniúchadh ar rialuithe airgeadais agus ar rialuithe eile san Údarás gach bliain.



## CISTE CÚITIMH UM SHEIRBHÍSÍ MAOINE

### RÁITEAS MAIDIR LE RIALÚ INMHEÁNACH

#### Creat Riosca agus Rialaithe

Tá córas bainistíochta riosca curtha i bhfeidhm ag an Údarás Rialála Seirbhísí Maoine a aithníonn agus a thuairiscíonn na príomhrioscaí agus na gníomhartha bainistíochta atá á nglacadh chun dul i ngleic leis na rioscaí sin agus iad a mhaolú a mhéid agus is féidir.

Tá clár rioscaí i bhfeidhm a aithníonn na príomhrioscaí atá le sárú ag an Údarás agus tá siad sin aitheanta, measúnaithe agus grádú déanta orthu de réir tábhachta. Déanann an Coiste Iniúcháireachta agus Riosca an clár a athbhreithniú agus a thabhairt cothrom le dáta, i gcomhar leis an Ardbhainistíocht. De réir thoradh na measúnuithe sin a dhéantar pleanáil agus dáileadh ar acmhainní ionas go ndéantar an chontúirt ó gach réimse baoil a mhaolú go dtí gur féidir a sheasamh.

Tugtar mioneolas sa chlár rioscaí ar na rialuithe agus na bearta atá ag teastáil chun maolú a dhéanamh ar rioscaí agus ar an bhfreagracht as rialuithe a oibriú a leagtar ar bhail foirne ar leith. Deimhníonn an tÚdarás go bhfuil timpeallacht rialaithe i bhfeidhm a bhfuil na gnéithe seo a leanas mar chuid de:

- tá doiciméadú á dhéanamh ar nósanna imeachta do gach príomhphróiseas ghnó,
- tá freagrachtaí airgeadais sannta ag leibhéal bainistíochta agus cuntasacht dá réir i gceist,
- tá córas buiséadaithe iomchuí le buiséad bliantúil a bhíonn faoi athbhreithniú ag bainistíocht shinsearach ann,
- tá córais ann atá dírithe ar shlándáil na gcóras teicneolaíochta faisnéise agus cumarsáide a chinntiú, Soláthraíonn Rannán TFC na Roinne Dlí agus Cirt seirbhísí TFC don Údarás Rialála Seirbhísí Maoine. In Eanáir 2022, chuir siad ráiteas dearbhaithe ar fáil inar leagadh amach na próisis rialaithe a bhí i bhfeidhm an tráth sin. Leis an iniúchadh inmheánach ar an gcóras TFC a chuir an Roinn Dlí agus Cirt ar fáil don Údarás Rialála Seirbhísí Maoine sa bhliain 2018, aithníodh go raibh inní ann faoin gcóras a bhí i bhfeidhm agus cuireadh moltaí chun cinn don rannán TFC chun aghaidh a thabhairt air sin. Tá roinnt de na moltaí sin fós le réiteach amhail an 31 Nollaig 2022, agus is ábhar inní é sin don Údarás. Chuir An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine go dtí Meitheamh 2022. Fuarthas doiciméad dearbhaithe ó An Post i Samhain na bliana 2021 maidir le slándáil agus rialuithe an chórais de réir mar a bhí i bhfeidhm i rith na bliana 2022. Chuir An Post deireadh leis an gcóras Licences.ie a sholáthar thar ceann an Údaráis Rialála Seirbhísí Maoine i Meitheamh 2022. Sheol an tÚdarás Rialála Seirbhísí Maoine ardán nua ar líne, prsalicences.ie, i Meitheamh 2022. Tá na sonraí ar fad ón ardán sin stóráilte ar fhreastalaithe TFC na Roinne Dlí agus Cirt agus dá bhrí sin tá siad cumhdaithe faoi Chomhaontú Leibhéil Seirbhíse na Roinne Dlí agus Cirt.
- tá córais i bhfeidhm chun sócmhainní an Údaráis Rialála Seirbhísí Maoine a chosaint, agus
- tá nósanna imeachta rialaithe ann maidir le measúnú agus íocaíochtaí as an gciste cúitimh.

Cuireadh gnéithe ar leith den timpeallacht rialaithe laistigh den eagraíocht in oiriúint chun rioscaí a mhaolú, rioscaí a tháinig chun cinn mar gheall ar na srianta a cuireadh i bhfeidhm san ionad oibre de dheasca Covid-19 agus mar thoradh ar Obair Chumaisc a thabhairt isteach.



## CISTE CÚITIMH UM SHEIRBHÍSÍ MAOINE

### RÁITEAS MAIDIR LE RIALÚ INMHEÁNACH

#### Monatóireacht agus Athbhreithniú Leanúnach

Tá Doiciméad Rialaithe Inmheánaigh i bhfeidhm ag an Údarás Rialála Seirbhísí Maoine, ar doiciméad é ina sainaithnítear na rioscaí don Údarás, na rialuithe atá i bhfeidhm agus na nósanna imeachta tuairiscithe agus monatóireachta.

Déanann an tÚdarás na mórchinntí straitéiseacha agus tagann sé le chéile ag eatrainmh tráthrialta chun monatóireacht a dhéanamh ar fheidhmíocht agus ar phleananna. Ní ghníomhaíonn an lucht bainistíochta feidhmiúcháin ach de réir an údaráis a tharmligeann an tÚdarás chucu chun éifeacht a thabhairt do bheartais agus do chinntí an Údaráis.

Rinneadh lámhleabhar mionsonraithe nóis imeachta a ullmhú agus a chur i bhfeidhm. Nuair is féidir, déantar dualgais foirne a dheighilt go cuí agus na rioscaí atá ann agus an líon teoranta foirne á gcur san áireamh.

Deimhním go bhfuil na córais monatóireachta leanúnaí seo a leanas i bhfeidhm:

- Sainaithníodh príomhrioscaí agus príomhrialuithe agus cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus chun aon easnamh a thuairisciú,
- Tá nósanna imeachta foirmiúla ann maidir le gach cineál earra agus seirbhís a cheannach, maidir le sonraisc a cheadú i ndáil le hearraí agus seirbhísí agus maidir le híocaíocht a údarú i ndáil le hearraí agus seirbhísí.
- Déanann an Príomhoifigeach Feidhmiúcháin athbhreithnithe go tráthrialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht i gcomparáid le buiséid/réamhaisnéisí.
- Tagann nósanna imeachta an Údaráis maidir le rialú airgeadais agus rialuithe eile faoi réir athbhreithniú bliantúil ag an Aonad Iniúchta Inmheánaigh sa Roinn Dlí agus Cirt. Déanann Coiste Iniúchta na Roinne Dlí agus Cirt athbhreithniú ar obair an Aonaid Iniúchta Inmheánaigh.
- Leagadh amach socruithe tuairiscithe ag gach leibhéal ag ar sannadh freagracht as bainistiú airgeadais.

#### Dearbhuithe

##### *Teicneolaíochtaí Faisnéise agus Cumarsáide*

Baineann an tÚdarás Rialála Seirbhísí Maoine leas as an tseirbhís chomhroinnte tacaíochta TFC a chuireann an Roinn Dlí agus Cirt ar fáil. Tá Comhaontú Leibhéal Seirbhíse ann leis an Roinn i ndáil leis an tseirbhís TFC agus tá socruithe i bhfeidhm chun cúlta a ullmhú i leith chórais an Údaráis Rialála Seirbhísí Maoine. Chuir Bainistíocht Faisnéise agus Teicneolaíocht na Roinne Dlí agus Cirt doiciméad dearbhaithe ar fáil maidir leis na rialuithe a bhí ann sa bhliain 2022.

Chuir An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine go dtí Meitheamh 2022. Fuarthas doiciméad dearbhaithe ó An Post i Samhain na bliana 2021 maidir le slándáil agus rialuithe an chórais de réir mar a bhí i bhfeidhm i rith na bliana 2022. Chuir An Post deireadh leis an gcóras Licences.ie a sholáthar thar ceann an Údaráis Rialála Seirbhísí Maoine i Meitheamh 2022. Sheol an tÚdarás Rialála Seirbhísí Maoine ardán nua ar líne, prsalicences.ie, i Meitheamh 2022. Tá na sonraí ar fad ón ardán sin stóráilte ar fhreastalaithe TFC na Roinne Dlí agus Cirt agus dá bhrí sin tá siad cumhdaithe faoi Chomhaontú Leibhéal Seirbhíse na Roinne Dlí agus Cirt.



## CISTE CÚITIMH UM SHEIRBHÍSÍ MAOINE

### RÁITEAS MAIDIR LE RIALÚ INMHEÁNACH

#### Ciste Cúitimh

Rinne an tÚdarás an Ciste Cúitimh a árachú chun aghaidh a thabhairt ar an riosca go bhféadfadh éileamh suntasach aonair in aon bhliain amháin laghdú suntasach a chur ar an gciste cúitimh.

#### Soláthar

Deimhním go bhfuil nósanna imeachta i bhfeidhm ag an Údarás chun a chinntiú go bhfuil rialacha agus treoirlínte soláthair reatha á gcomhlíonadh. Tugtar ábhair a eascraíonn as rialuithe ar sholáthair chun solais faoi shaincheisteanna rialaithe inmheánaigh thíos.

#### Athbhreithniú Ar Éifeachtacht

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun monatóireacht a dhéanamh ar éifeachtacht na nósanna imeachta bainistíochta riosca agus rialaithe. Maidir le hobair an Údaráis Rialála Seirbhísí Maoine i ndáil le monatóireacht agus athbhreithniú ar an gcóras um rialú inmheánach airgeadais, tá sé bunaithe ar obair na n-iniúcháirí inmheánacha agus na n-iniúcháirí seachtracha, ar obair an Choiste Iniúchta agus Riosca a dhéanann formhaoirseacht ar obair na n-iniúcháirí sin agus ar obair an lucht bainistíochta sinsearaí laistigh den Údarás Rialála Seirbhísí Maoine atá freagrach i ndáil leis an gcreat rialaithe inmheánaigh airgeadais a fhorbairt agus a chothabháil.

Deimhním gur thug an tÚdarás faoi athbhreithniú bliantúil ar éifeachtacht na rialuithe inmheánacha don bhliain 2022.

Tá an tÚdarás muiníneach, a mhéid is indéanta, gur córais éifeachtacha iad na córais um rialú inmheánach airgeadais a bunaíodh agus a cuireadh i bhfeidhm san Údarás Rialála Seirbhísí Maoine don bhliain airgeadais dar chríoch an 31 Nollaig 2022.

#### Saincheisteanna Rialaithe Inmheánaigh

##### Soláthar Neamhiomaíoch

Tabhaíodh €154,350 i gcaiteachas le linn 2022 maidir le seirbhísí árachais nuair nach raibh na nósanna imeachta a cuireadh i bhfeidhm ag cloí leis na treoirlínte soláthair. Ba mar gheall ar thar-rolladh conartha a bhí ann cheana é sin. Bronnadh an conradh seo ar dtús i nDeireadh Fómhair 2017 i ndiaidh dhá iarratas ar thairiscintí nár éirigh leo sa mhéid is nach bhfuarthas aon tairiscintí.

Tá sé i gceist ag an Údarás athbhreithniú a dhéanamh ar na rioscaí a bhaineann leis an gciste Cúitimh agus na riachtanais árachais. Nuair a bheidh an t-athbhreithniú seo curtha i gcrích, eiseoidh an tÚdarás comórtas nua do sheirbhísí árachais.

Thar ceann chomhaltaí an Údaráis

An tUasal Michael Quinlan, Cathaoirleach:

Dáta: 12 Nollaig 2023



## CISTE CÚITIMH UM SHEIRBHÍSÍ MAOINE

### DEIMHNIÚ AN ARD-REACHTAIRE CUNTAS AGUS CISTE



## An tArd Reachtaire Cuntas agus Ciste An Ard-Reachtaire Cuntas agus Ciste

### Tuarascáil le cur faoi bhráid Thithe an Oireachtais Ciste Cúitimh um Sheirbhísí Maoine

#### Tuairim ar na ráitis airgeadais

Rinne mé iniúchadh ar ráitis airgeadais an Chiste Cúitimh um Sheirbhísí Maoine arna n-ullmhú ag an Údarás Rialála Seirbhísí Maoine don bhliain dar críoch Déardaoin 31 Nollaig 2022 faoi réir fhorálacha sceidil 6 (8) den Acht um Sheirbhísí Maoine (Rialáil), 2011. Tá na ráitis airgeadais comhdhéanta de

- an ráiteas ar ioncam agus caiteachas
- an ráiteas ar an staid airgeadais
- an ráiteas maidir le sreabhadh airgid agus
- na nótaí gaolmhara, lena n-áirítear achoimre ar na beartais cuntasáiochta suntasacha.

Is é mo thuairim go dtugann na ráitis airgeadais léargas ceart

- ar na hidirbhearta ar an gCiste Cúitimh um Sheirbhísí Maoine 2022, agus
- an t-iarmhéid den Chiste an 31 Nollaig 2022.

#### An bonn atá leis an tuairim

Thug mé faoi m'iniúchadh ar na ráitis airgeadais de réir Chaighdeán Idirnáisiúnta Iniúcháireachta (ISAnna) faoi mar atá fógartha ag Eagraíocht Idirnáisiúnta na nInstitiúidí Náisiúnta Iniúcháireachta. Déantar cur síos ar na freagrachtaí atá orm faoi na caighdeáin sin i bhfoscú bhinn na tuarascála seo. Táim neamhspleách ar an Údarás Rialála Seirbhísí Maoine agus tá mo chuid freagrachtaí eiteiciúla eile comhlíonta agam de réir na gcaighdeán.

Measaim go bhfuil an fhianaise iniúchta atá aimsithe agam leordhóthanach agus ábhartha chun bunús a chur le mo thuairim.

#### Tuairisc ar nithe eile seachas na ráitis airgeadais agus ar nithe eile

Tá faisnéis áirithe eile chomh maith le ráitis airgeadais an Chiste curtha i láthair ag an Údarás Rialála Seirbhísí Maoine. Cuimsítear leis sin ráiteas um fheagrachtaí an Údaráis agus an ráiteas maidir le rialú inmheánach. Déantar cur síos ar na freagrachtaí atá orm le tuairisc a thabhairt maidir leis an eolas sin, agus ar ábhair áirithe eile lena dtuairiscim trí eisceacht, i bhfoscú bhinn na tuarascála seo. Níl tuairisc ar bith le tabhairt agam ina leith sin.

**Leonard McKeown**  
Do agus thar ceann  
An Ard-Reachtaire Cuntas agus Ciste

18 Nollaig 2023





## CISTE CÚITIMH UM SHEIRBHÍSÍ MAOINE

### DEIMHNIÚ AN ARD-REACHTAIRE CUNTAS AGUS CISTE

#### Aguisín a ghabhann leis an tuarascáil

##### Freagrachtaí an Údaráis Rialála Seirbhísí Maoine

Sa ráiteas um fhreagrachtaí leagtar amach freagrachtaí chomhaltaí an Údaráis. Tá comhaltaí an Údaráis freagrach as ráitis airgeadais a ullmhú ar an mbealach a fhorordaítear faoi sceideal 6 (7) den Acht

- a chinntiú go gcuireann na ráitis airgeadais idirbhearta an Chiste Cúitimh um Sheirbhísí Maoine don bhliain agus iarmhéd an Chiste ag deireadh na bliana i láthair i gceart
- rialtacht na n-idirbheart a chinntiú, agus
- rialú inmheánach dá leithéid a chinneann siad atá riachtanach d'fhonn ráitis airgeadais a ullmhú atá saor ó mhíríteas ábhartha, cibé mar thoradh ar chalaos nó earráid.

##### Freagrachtaí an Ard-Reachtair Cuntas agus Ciste

Éilítear orm faoi sceideal 6(8) den Acht ráitis airgeadais an Chiste a iniúchadh agus tuairisciú ina leith chuig Tithe an Oireachtais.

Is é an cuspóir atá agam agus an t-iniúchadh á chur i gcrích agam ná teacht ar dhearbhu réasúnach ar cibé an bhfuil na ráitis airgeadais tríd is tríd saor ó aon mhíríteas ábhartha mar thoradh ar chalaos nó earráid. Is ionann dearbhú réasúnach agus leibhéal ard dearbhair ach ní hionann é is barántas go dtiocfar i gcónaí, le linn iniúchadh a dtugtar faoi de réir na ISAnna ar mhíríteas ábhartha nuair is ann dóibh. D'fhéadfadh míráitis eascairt ó chalaos nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh de réir na ISAnna, cuirim breithiúnas gairmiúil i bhfeidhm agus cloím le sceipteachas gairmiúil i rith an iniúchta. Lena linn sin déanaim,

Na rioscaí a bhaineann le míráiteas ábhartha ar na ráitis airgeadais, cibé acu atá sé mar thoradh ar chalaos nó earráid a shainnithint agus a mheas; nósanna imeachta iniúchta a leagan amach agus a chur i gcrích atá freagrúil do na rioscaí sin; fianaise iniúchóireachta a fháil atá leordhóthanach agus ábhartha chun bonn a chur faoi mo thuairim. Tá riosca níos mó ann nach dtiocfar ar mhíríteas ábhartha mar gheall ar chalaos seachas mar gheall ar earráid, ós rud é go bhféadfadh claonpháirteachas, brionn, easnaimh d'aon turas, mífhaisnéis nó rialú inmheánach a shárú a bheith i gceist.

Tuiscint a fháil ar rialú inmheánach a bhaineann leis an iniúchadh d'fhonn nósanna imeachta iniúchta a leagan amach atá oiriúnach sna himthosca, ach gan chun críche tuairim a chur in iúl maidir le héifeachtúlacht na rialuithe inmheánacha.

Oiriúnacht na mbeartas cuntasáiochta a úsáidtear agus réasúnacht na meastachán cuntasáiochta agus na nochtuithe ábhartha a mheas.

Cur i láthair, struchtúr agus ábhar ginearálta na ráiteas airgeadais a mheas, lena n-áirítear nochtuithe, agus cibé an léiríonn nó nach léiríonn na ráitis airgeadais na hidirbhearta bunúsacha agus na himeachtaí ar bhealach trína mbaintear amach cur i láthair atá cothrom.

Déanaim teagmháil leos an leagtar de chúram orthu rialachas maidir le, i measc ábhair eile, scóip agus tráthúlacht an iniúchta agus fionnachtana suntasacha an iniúchta, lena n-áirítear aon easnaimh shuntasacha sa rialú inmheánach a shainnithním le linn m'iniúchta.

##### Faisnéis seachas na ráitis airgeadais

Ní bhaineann mo thuairim a thugaim ar na ráitis airgeadais le haon fhaisnéis eile a ndéantar a chur i láthair sna ráitis sin, agus ní thugaim aon deimhniú conclúideach de chineál ar bith ina leith.

Maidir le m'iniúchadh ar na ráitis airgeadais, tá sé de cheanglas orm faoi na ISAnna an fhaisnéis eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó sin an léir go bhfuil míráiteas ábhartha i gceist. Má shocraím, bunaithe ar an obair atá déanta agam, go bhfuil míráiteas ábhartha i gceist san fhaisnéis eile seo, éilítear orm tuairisciú ina leith sin.

##### Tuairisciú ar ábhair eile

Déanaim m'iniúchadh trí thagairt a dhéanamh do bhreithnithe speisialta a ghabhann le comhlachtaí Stáit maidir lena mbainistíocht agus lena n-oibríocht. Tuairiscím má fhaighim nithe ábhartha ann a bhaineann leis an tslí a ndearnadh gnó poiblí.

Lorgaim fianaise faoi rialtacht na n-idirbheart airgeadais le linn an iniúchta. Tuairiscím ar aon chás ábhartha nach bhfeidhmítear airgead poiblí chun na gcriche dá bhfuil sé beartaithe, nó sa chás nach mbionn na hidirbhearta ag teacht leis na húdaráis a dhéanann rialú orthu.

Tuairiscím trí eisceacht chomh maith más rud é, de réir mo thuairime,

nach bhfaighim an fhaisnéis agus na mínithe go léir a theastaíonn uaim chun m'iniúchadh a dhéanamh, nó

nach raibh taifid cuntasáiochta leordhóthanacha ann chun go bhféadfaí na ráitis airgeadais a iniúchadh go hiomchuí agus go réidh, nó nach bhfuil na ráitis airgeadais ag teacht leis na taifid chuntasáiochta.



## CISTE CÚITIMH UM SHEIRBHÍSÍ MAOINE

RÁITEAS MAIDIR LE hIONCAM AGUS CAITEACHAS  
DON bhLIAIN DAR CHRÍOCH AN 31 NOLLAIG 2022

	Nótaí	2022 €	2021 €
<b>Ioncam</b>			
Ranníocaíochtaí leis an gCiste	2	574,850	569,800
Ús Taisce faighte	2	2,024	2,002
<b>Ioncam Iomlán</b>		<b>576,874</b>	<b>571,802</b>
<b>Caiteachas</b>			
Árachas		154,350	148,470
Cáin choinneála ar ús taisce		668	661
Ús a íocadh		-	2,541
Dámhachtainí cúitimh	3	296,153	196,445
<b>Caiteachas Iomlán</b>		<b>451,171</b>	<b>348,117</b>
Barrachas don bhliain		125,703	223,685
Iarmhéid a tugadh ar aghaidh an 1 Eanáir 2022		4,576,469	4,352,784
<b>Iarmhéid a tugadh ar aghaidh an 31 Nollaig 2022</b>		<b>4,702,172</b>	<b>4,576,469</b>

Áirítear na gnóthachain agus cailteanais go léir a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe. Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 7.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



## CISTE CÚITIMH UM SHEIRBHÍSÍ MAOINE

RÁITEAS MAIDIR LE STAID AIRGEADAIS  
AMHAIL AN 31 NOLLAIG 2022

	Nótaí	2022 €	2021 €
<b>Sócmhainní</b>			
<b>Reatha</b>			
Airgead tirim agus coibhéisí airgid	4	4,578,692	4,452,989
Infháiltais agus réamhíocaíochtaí	5	123,480	123,480
		<b>4,702,172</b>	<b>4,576,469</b>
<hr/>			
<b>Glansócmhainní Iomlána</b>		<b>4,702,172</b>	<b>4,576,469</b>
<hr/>			
<b>A Ionadaíonn do</b>			
Ciste Cúitimh		4,702,172	4,576,469
		<b>4,702,172</b>	<b>4,576,469</b>
<hr/>			

Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 7.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



## CISTE CÚITIMH UM SHEIRBHÍSÍ MAOINE

RÁITEAS MAIDIR LE SREABHADH AIRGID  
DON BHLIAIN DAR CHRÍOCH AN 31 NOLLAIG 2022

Glan-sreabhadh airgid ó ghníomhaíochtaí oibriúcháin	2022	2021
	€	€
Ioncam breise thar chaiteachas	125,703	223,685
(Méadú) / Laghdú ar Infháltais	-	(5,880)
<b>Glan-sreabhadh airgid ó ghníomhaíochtaí oibriúcháin</b>	<b>125,703</b>	<b>217,805</b>
<b>Méadú ar airgead tirim agus comhluach in airgead tirim</b>	<b>125,703</b>	<b>217,805</b>
Airgead tirim agus comhluach in airgead tirim amhail an 01 Eanáir 2022	4,452,989	4,235,184
Airgead tirim agus comhluach in airgead tirim amhail an 31 Nollaig 2022	<b>4,578,692</b>	<b>4,452,989</b>

## Is cuid dhílis de na ráitis airgeadais seo iad na nótaí 1 go dtí 7.

Thar ceann an Údaráis Rialála Seirbhísí Maoine

Maeve Hogan Uas., Príomhoifigeach Feidhmiúcháin:

Dáta: 12 Nollaig 2023

An tUasal Michael Quinlan, Cathaoirleach:

Dáta: 12 Nollaig 2023



## CISTE CÚITIMH UM SHEIRBHÍSÍ MAOINE

### NÓTAÍ A GHABHANN LEIS NA RÁITIS AIRGEADAIS DON BHLIAIN DAR CHRÍOCH AN 31 NOLLAIG 2022

#### 1. Beartais Chuntasáíochta

(a) Tá an bunús cuntasáíochta agus na beartais chuntasáíochta shuntasacha atá glactha ag an gCiste Cúitimh um Sheirbhísí Maoine leagtha amach thíos. Cuireadh i bhfeidhm go seasta iad i rith na bliana agus sa bhliain roimhe sin.

#### (b) Eolas Ginearálta

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011. Tá an cheannoifig lonnaithe ag Foirgnimh na Mainistreach, Bóthar na Mainistreach, An Uaimh, Co. Na Mí, C15 K7PY.

Is iad a leanas príomhchuspóirí an Údaráis Rialála Seirbhísí Maoine mar a leagtar amach in Alt 11 den Acht um Sheirbhísí Maoine (Rialáil), 2011:

- Ceadúnais a eisiúint agus a athnuachan;
- Clár Ceadúnaithe a chothabháil;
- Riachtanais cháilitheachta agus riachtanais eile a fhorfheidhmiú;
- Caighdeáin lena n-áirítear caighdeáin theicniúla agus caighdeáin eiticiúla chuí a fhorfheidhmiú;
- An Ciste a Riar;
- Córas a riar chun imscrúdú a dhéanamh ar cheadúnaithe;
- Mion-smachtbhannaí nó mór-smachtbhannaí a fhorchur ar cheadúnaithe;
- Iarratas a dhéanamh chuig an Ard-Chúirt chun mór-smachtbhannaí a fhorchur ar cheadúnaithe a dheimhniú;
- Feasacht an phobail a chur chun cinn agus faisnéis a scaipeadh ar an bpobal i ndáil le seirbhísí maoine;
- Cóid Chleachtais a chur chun cinn;
- An tAire a choinneáil ar an eolas faoi fhorbairtí maidir le ceadúnaithe a bheith ag soláthar seirbhísí maoine ag ceadúnaithe agus cuidiú leis an Aire beartas a chomhordú agus a fhorbairt ina leith sin;
- Sonraí maidir le praghsanna díola maoine cónaithe a fhoilsiú;
- An Bunachar Sonraí Léasanna Tráchtála a chothabháil; agus
- Aon fheidhmeanna eile tugtha dó ag aon fhoráil den Acht nó in aon achtachán eile nó ag rialacháin a ndéantar faoin Acht nó aon achtachán eile a chomhlíonadh.

Is Eintiteas Leasa Phoiblí (PBE) é an tÚdarás Rialála Seirbhísí Maoine.

Ceanglaítear faoi Alt 77(1) den Acht ar an Údarás ciste ar a dtugtar an Ciste Cúitimh um Sheirbhísí Maoine a bhunú, a riar agus a chothabháil. Ullmhaítear agus iniúchtar cuntais an Chiste ar leithligh de réir Sceideal 6 den Acht.



## CISTE CÚITIMH UM SHEIRBHÍSÍ MAOINE

NÓTAÍ A GHABHANN LEIS NA RÁITIS AIRGEADAIS  
DON BHLIAIN DAR CHRÍOCH AN 31 NOLLAIG 2022**(c) Bonn ullmhúcháin**

Ullmhaíodh ráitis airgeadais an Chiste Cúitimh um Sheirbhísí Maoine de réir na mbeartas cuntasafóichta a leagtar amach thíos, agus san fhoirm atá ceadaithe ag an Aire Dlí agus Cirt le toiliú ón Aire Caiteachais Phoiblí, Sheachadadh PFN agus Athchóirithe.

**(d) Aithint Ioncaim**

Tuairiscítear ranníocaíochtaí leis an gCiste, ús faighte ar an gCiste agus dámhachtainí cúirte ar an gCiste ar bhonn fáltas airgid.

**(e) Barrachas ar an gCiste**

Éilítear i gcomhréir le hAlt 77(3) go mbeadh iarmhéid nach lú ná €2 milliún air agus ceithre bliana i ndiaidh dháta a bhunaithe.

**(f) Aithint Caiteachais**

Aithnítear dámhachtainí cúitimh mar chaiteachas nuair atá an tÚdarás sásta gur thabhaigh cliant de chuid an cheadúnaí cailteanas mar thoradh ar mhímhacántacht ó thaobh an cheadúnaí sin, nó aon duine eile atá ag feidhmiú thar a cheann / a ceann, a bhainfeadh le soláthar seirbhísí maoine.

Tuairiscítear muirir cánach coinneála ar ús taisce (DIRT) ar bhonn airgid.

Tugtar cuntas ar gach caiteachas eile ar bhonn fabhrúithe.

**2. Ioncam Ciste Cúitimh**

	2022	2021
	€	€
Ranníocaíochtaí leis an gCiste	574,850	569,800
Ús taisce faighte	2,024	2,002
	<u>576,874</u>	<u>571,802</u>

Rinne an tÚdarás Rialála Seirbhísí Maoine i bhfeidhmiú na gcumhachtaí a tugadh dó faoi alt 95 den Acht um Sheirbhísí Maoine (Rialáil), 2011 le toiliú ón Aire Dlí agus Cirt rialacháin a tháinig i bhfeidhm an 30 Bealtaine 2012. San Acht um Sheirbhísí Maoine (Rialáil), 2011 (Ciste Cúitimh) Rialacháin 2012 leagtar amach an ranníocaíocht atá le déanamh ag duine i mbun iarratais do cheadúnas nó i mbun ceadúnas a athnuachan i ndáil leis an gCiste; fostóir seirbhísí maoine €200, conraitheoir neamhspleách €200 agus príomhoifigeach nó fostaí €50.



## CISTE CÚITIMH UM SHEIRBHÍSÍ MAOINE

### NÓTAÍ A GHABHANN LEIS NA RÁITIS AIRGEADAIS DON BHLIAIN DAR CHRÍOCH AN 31 NOLLAIG 2022

#### 3. Dámhachtainí cúitimh

Rinneadh dámhachtainí ar fiú €302,153 san iomlán iad as an gCiste i rith na bliana dar chríoch an 31 Nollaig 2022. D'aisíoc éilitheoir €6,000 leis an gciste cúitimh toisc go ndearna an soláthraí seirbhísí maoine a n-éileamh a aisíoc go díreach. Dá bhrí sin is iad na dámhachtainí iomlána do 2022 ná €296,153 (2021: €196,445).

#### 4. Airgead tirim agus coibhéisí airgid

	2022	2021
	€	€
An Post:	4,050,349	4,048,993
Cuntas bainc tráchtála	528,343	403,996
	<b>4,578,692</b>	<b>4,452,989</b>

#### 5. Infháiltas agus réamhíocaíochtaí

	2022	2021
	€	€
Réamhíocaíochtaí	123,480	123,480

#### 6. Dámhachtainí - Teagmhais

Amhail an 31 Nollaig 2022, bhí 6 éileamh cúitimh ar lámh ag an Údarás, éilimh nach raibh cinneadh déanta fúthu ag an Údarás (31 Nollaig 2021: 14 éileamh cúitimh ar lámh). Níl an tÚdarás ábalta meastachán iontaofa a dhéanamh ar an tionchar airgeadais a d'fhéadfadh a bheith i gceist mar thoradh ar na cásanna thuas.

Bhíothas ag fanacht le cinneadh ón mBord Achomhairc um Sheirbhísí Maoine i ndáil le haon cheann de na héilimh chúitimh amhail an 31 Nollaig 2022. Is ionann an tionchar airgeadais a d'fhéadfadh a bheith ar an éileamh sin agus €5,000.

#### 7. Ceadú na ráiteas airgeadais

Cheadaigh Údarás an Údaráis Rialála Seirbhísí Maoine na ráitis airgeadais seo an 4 Nollaig 2023.